



REPUBLIKA E KOSOVËS / REPUBLIKA KOSOVA

GJYKATA THEMELORE GJILAN - DEGA E GJYKATËS NOVOBËRD

Numri i lëndës: 2023:085039

Datë: 22.04.2024

Numri i dokumentit: 05602310

P.nr.26/2023

**NË EMËR TË POPULLIT**

Gjykata Themelore në Gjilan - Dega në Novobërd, gjyqtari Sadri Krasniqi, me procesmbajtësen Donjeta Zenuni dhe bashkëpunëtorin profesional Blerand Sopi, në lëndën penale kundër të akuzuarit, I. S. nga Prishtina, për shkak të veprës penale: Arratisja e personit të privuar nga liria nga neni 397 paragrafi 1 i KPRK-së, të cilin e mbron me autorizim av. Mentor Neziri nga Prishtina, duke vendosur sipas aktakuzës së PTH-së nga Gjilani, PP.II.nr.548/2023, të dt. 04.04.2023, pas mbajtjes së seancës për shqyrtimin e Marrëveshjes për pranimin e fajësisë më datën 15.04.2024, në prani të Prokurores së Kujtesa Fazliu, të akuzuarit I. S. dhe mbrojtësin e tij av. Mentor Mustafa, shpalli dhe publikisht komunikoi, ndërsa më datën 22.04.2024 përpiloi këtë:

**A K T G J Y K I M**

**I a k u z u a r i :**

**I. S.**, pa pseudonim dhe emër të rrejshëm, nga i ati Isuf dhe e ëma Xh. e lindur K., i lindur më dt. 23.07.1988, në Prishtinë, ku edhe jeton Rr. "Jeronim Deroba nr.61, me numër personal 1173218911, shqiptar, shtetas i Republikës së Kosovës, i martuar, prind i dy fëmijëve, ka të kryer shkollën e mesme, i papunësuar, i gjendjes së dobët ekonomike, i pa dënuar më parë për vepra penaale, dhe nuk udhëhiqet procedurë tjetër për vepër tjetër penale.

**Është fajtor**

**Sepse:**

Se më datë 24.11.2022, rreth orës 13:12 minuta, në fshatin Pasjak, Komuna e Novobërdës, tani i akuzuari I. S. me dashje është arratisur nga mbikçyrja e personave të cilëve u është besuar mbikçyrja, ashtu që me rastin e transportimit të të njëjtit në qendrën e Paraburgimit që ndodhet në fshatin Pasjak, Komuna e Novobërdës, për mbajtje të masës së paraburgimit në bazë të aktvendimit P.nr.3075/22 të datës 24.11.2022, i lëshuar nga Gjykata

Themelore në Prishtinë, për shkak të veprës penale, Kanosje nga neni 181 i KPRK-së, i njëjti ka arritur që të dalë nga vetura zyrtare e policisë dhe të arratiset, kështu që në këtë mënyrë i pandehuri me veprimet e veta u është arratisur shërbimit policor si institucion i cili e ka ndaluar në bazë të një vendimi të ligjshëm mbi privimin nga liria.

- me çka ka kryer veprën penale, Arratisja e personit të privuar nga liria nga neni 397 paragrafi 1 i KPRK-së.

Andaj gjykata duke u mbështetur në nenin 4, 38, 42, 44, 69, 70, 71 dhe 72, paragrafi 1 nënparagrafi 1.7 të KPRK-së, lidhur me nenin 230, 364 dhe 452 të KPRK-së, të akuzuarin e,

## G J Y K O N

- dënim burgu efektiv në kohëzgjatje prej nga **njëqind e tetëdhjetë (180) ditëve**, i cili dënim me pëlqimin e të akuzuarit, e në kuptim të nenit 44 të KPRK-së do t'i zëvendësohet në dënim me gjobë në shumën prej **1800 €**, të cilën shumë, do ta arkëtoi në afat prej 15 ditësh pas plotfuqishmërisë së këtij aktgjykimit, **në tri këste mujore**, në të kundërtën i njëjti dënim me gjobë do t'i zëvendësohet me dënim burgu ashtu që për çdo 20 €, do t'i llogaritet nga një ditë burgu.

Në bazë të nenit 79, paragrafi 1 të KPRK-së në dënimin e shqiptuar të akuzuarit i llogaritet koha e kaluar në paraburgim, edhe ate prej **24.03.2023** e deri **më 06.04.2023**.

Obligohet i akuzuari, që në emër të paushallit gjyqësor të paguaj shumën prej nga 20 €, krejt këto në afat prej 15 ditësh nga dita e plotfuqishmërisë së këtij aktgjykimi me kanosje përmbarimi.

Njashtu të akuzuarit obligohen që në kuptim të nenit 36, paragrafi 3, nën paragrafi 3.1 të Ligjit për Kompensimin e Viktimave të Krimit, të paguajnë shumën prej nga 20 €, në afat prej 15 ditësh nga dita e plotfuqishmërisë së këtij aktgjykimi me kanosje përmbarimi.

## A r s y e t i m

Prokuroria Themelore në Gjilan, me aktakuzën PP.II.nr.548/2023 të datës 05.04.2023, i ka propozuar gjykatës që ndaj të akuzuarit, I. S. nga Prishtina, të fillohet dhe shtjellohet procedura penale, për shkak të veprës penale: Arratisja e personit të privuar nga liria nga neni 397 i KPRK-së, të shpallet fajtor dhe të dënohet sipas ligjit. Së bashku me aktakuzën

Prokuroria e Shtetit ka parashtruar dhe Marrëveshjen për Pranimin e Fajësisë së hartuar nga ana e Prokurorisë së Shtetit - Prokuroria Themelore në Gjiilan, në njërën anë dhe të akuzuarit I. S. me mbrojtësin e tij me sipas autorizimit av. Mentor Neziri, në anën tjetër.

Në marrëveshjen për pranimin e fajësisë të hartuar ndërmjet palëve, respektivisht Prokurorisë Themelore në Gjiilan dhe të akuzuarit I. S. me mbrojtësin e tij me sipas autorizimit av. Mentor Neziri, palët kanë përcaktuar edhe kushtet e pranimit të fajësisë, ku ndër të tjera është negociuar dhe propozuar dënimi me burgim efektiv në kohëzgjatje prej 180 (njëqindetëdhjetë) ditëve, i cili dënim me pëlqimin e të akuzuarit, konform nenit 44 të KPRK-së do të zëvendësohet në dënim me gjobë në shumë prej 1800 euro.

Gjykata shqyrtoi aktakuzën dhe marrëveshjen për pranimin e fajësisë, pas vlerësimit të së njëjtave dhe shkresave tjera të lëndës konstatoi se të njëjtat janë të bazuara në ligj, andaj duke vepruar sipas të njëjtave, ka caktuar seancë gjyqësore për shqyrtimin e marrëveshjes për pranimin e fajësisë kundër të akuzuarit për datë 15.04.2024, në të cilën seancë gjyqësore, Prokurorja e shtetit Kujtesa Fazliu, ka deklaruar se mbetet në tërësi pranë aktakuzës dhe marrëveshjes së lidhur me të akuzuarin dhe mbrojtësin e tij e lidhur në Prokurorin Themelore në Gjiilan-Departamenti i përgjithshëm, PP.II.nr.548/2023 të datës 05.04.2023, për shkak të veprës penale: Arratisja e personit të privuar nga liria nga neni 397 par.1 i KPRK-së, nga fakti se i akuzuari në prezencën e mbrojtësit të tij av. Mentor Neziri, në mënyrë vullnetare pa shtrëngim apo nën presion në tërësi ka pranuar benefitet dhe pasojat e kësaj marrëveshje.

Marrëveshja për pranimin e fajësisë PP.II.nr.548/2023 është hartuar me datën 03.04.2023., në mënyrë vullnetare nga të pranishmit dhe e pranuar nga i akuzuari I. S., në tërësi si marrëveshje me të gjitha pikat dhe konditat e saj.

Mbrojtësi i të akuzuarit av.Mentor Neziri dhe i akuzuari I.S., deklarojnë se në tërësi mbesin pranë marrëveshjes së nënshkruar dhe pranuar nga i akuzuari dhe njëkohësisht i propozuan gjykatës që ta aprovoj në tërësi marrëveshjen me të gjitha elementet - kushtet e saj, po ashtu kësaj gjykate i propozuan që të akuzuarit dënimin me gjobë t'ia mundësojë që ta paguajë me këste mujore.

Këtë gjendje faktike gjykata e ka vërtetuar me pranimin e fajësisë nga i akuzuari, respektivisht nga vetë përmbajtja dhe kushtet e pranimit të marrëveshjes së pranimit të fajësisë, ku i akuzuari e ka pranuar fajësinë për veprën penale për të cilën akuzohet.

Gjykata, sipas detyrës zyrtare e në harmoni me nenin 251 të KPPRK-së, nuk gjeti se ekziston ndonjë provë e pa-pranueshme dhe e marrë në kundërshtim me dispozitat e nenit të lartë-theksuar e cila do të vinte në mëdyshje dhe do të bënte të papranueshëm pranimin e

fajësisë. Gjithashtu, gjykata konsideroi se nuk ekzistojnë rrethana të përcaktuara nga neni 244 të KPPRK-së të cilat do të konsistonin në krijimin e situatës dhe rrethanave për hedhjen e aktakuzës.

Gjatë seancës për shqyrtimin e marrëveshjes së pranimit të fajësisë, gjykata në tërësi ka vërtetuar se i akuzuari e ka kuptuar natyrën-pasojat e marrëveshjes për pranimin e fajësisë për veprën penale e cila i vihet në barrë. Marrëveshja për pranimin e fajësisë, respektivisht pranimi i fajësisë nga i njëjti është bërë në mënyrë vullnetare, pa kushtëzim, pa presion, askush nuk ia ka bërë ndonjë premtim të kundërligjshëm i cili do ti shtyjë në pranimin e marrëveshjes për pranimin e fajësisë, heqin dorë nga e drejta në gjykim të rregullt, respektivisht nga të gjitha të drejtat që kanë të bëjnë me gjykimin e rregullt, pas konsultës së mjaftueshme me mbrojtësin e tij dhe në harmoni me dispozitat e neneve 230, 240 dhe 242 të KPPRK-së.

Ndërsa sa i përket dënimit dhe vendimit për dënimin, Prokurorja e Shtetit, Kujtesa Fazliu, i akuzuari I. S. dhe mbrojtësi i tij av.Mentor Neziri, i propozuan gjykatës që ta aprovoj dënimin e përcaktuar në marrëveshje për pranimin e fajësisë.

Gjykata duke marrë në konsideratë rrethanat të cilat ndikojnë në përcaktimin e llojit dhe lartësisë së dënimit, respektivisht rrethanat e përcaktuara me nenin 69 dhe 70 të KPRK-së, erdhi në përfundim se dënimi i propozuar nga palët është dënim i cili i përgjigjet shkallës së përgjegjësisë penale të tij-akuzuarit dhe se me këtë dënim do të arrihet qëllimi preventiv i dënimit, respektivisht që në të ardhmen i akuzuari të jetë më i përgjegjshëm dhe të përmbahet nga veprimet e këtilla.

Gjatë vendosjes për dënimin, gjykata nuk ka gjetur ndonjë rrethanë të veçantë rënduese e cila do të ndikonte në llojin dhe lartësinë e dënimit, ndërsa si rrethana tejet lehtësuese ka konsideruar: pranimin e fajësisë nga i akuzuari, ku këtë gatishmëri të pranimit të fajësisë i njëjti e ka shprehur që në fazat e hershme hetimore me lidhjen marrëveshjes për pranimin e fajësisë.

Andaj, bazuar në rrethanat e lartë-theksuara gjykata ka aprovuar marrëveshjen për pranimin e fajësisë në tërësi me të gjitha elementet e saja, respektivisht ka aprovuar dënimin me burgim prej njëqindetëdhjetë (180) ditëve, i cili dënim me pëlqimin e të akuzuarit, konform nenit 44 të KPRK-së do të zëvendësohet në dënim me gjobë në shumë prej 1800 euro, dënim i cili ka për tu ekzekutuar pas plotfuqishmërisë së këtij aktgjykimi. Në bazë të nenit 79, paragrafi 1 të KPRK-së në dënimin e shqiptuar të akuzuarit i llogaritet koha e kaluar në paraburgim, edhe ate prej **25.03.2023** e deri më 06.04.2023.

Andaj bazueshëm mund të pritët që ky dënim do të ndikoj pozitivisht në përmirësimin e të akuzuarit, do të ketë ndikim edukativ edhe ndaj qytetarëve tjerë që në të ardhmen mos të

kryejnë vepra penale, sikundër që do t'i kontribuojnë disiplinës dhe përgjegjësisë më të madhe të qytetarëve në përgjithësi.

Duke pasur parasysh natyrën e kësaj çështje penale dhe gjendjen financiare të akuzuarit, gjykata, bazuar në nenin 452 paragrafi 1 KPP-së-së, ka vendosur që të akuzuarin ta detyrojë për ta paguar paushallin gjyqësor në shumën prej 20 € (Njëzetë euro), si dhe 20 € për Programin për Kompensimin e Viktimave të Krimin, në afat prej 15 ditësh nga dita e plotfuqishmërisë së këtij aktgjykimi me kanosje përmbarimi.

Gjykata nga të cekurat më lartë ka vendosur si në dispozitiv të këtij aktgjykimi.

**GJYKATA THEMELORE GJILAN - DEGA E GJYKATËS NOVOBËRD  
DEPARTAMENTI I PËRGJITHSHËM , DIVIZIONI PENAL**

**2023:085039, 22.04.2024**

**G j y q t a r i,**

---

Sadri Krasniqi,d.v.

**Këshilla Juridike :** Ky aktgjykim është i plotfuqishëm që në datën e shpalljes-publikimit të tij, pasi që palët kanë hequr dorë nga e drejta e ushtrimit të ankesës ndaj të njëjtit.